

Nàiseanta 5 Gàidhlig Labhairt Iomain

Earrann air a' chuspair, "Iomain – Spòrs nan Gàidheal".

Tidsear: Madainn mhath, a Chaluim. Tha thu a' dol a thoirt do bheachdan air a' chuspair, "Iomain - Spòrs nan Gàidheal". Siuthad ma-thà. Inns dhomh dè do bheachdan air a' chuspair.

Calum: Madainn mhath. Chan eil ceist sam bith ann nam bheachd-sa gur e iomain an spòrs as fheàrr air an t-saoghail! Tha mise air a bhith air mo bheò-ghlacadh le iomain o bha mi sia bliadhna a dh'aois. Thòisich seo nuair a thug mo sheanair dhomh seann chaman a lorg e anns an t-seada. Cha b' e ruith ach leum gus an gèam ionnsachadh! Bhithinn a' cur seachad ùine mhòr an dèidh na sgoile is mi a' feuchainn ris a' bhall a chumail suas air a' chaman no ga bhualadh cho cruaidh sa b' urrainn dhomh – ged nach robh sin uabhasach furasta, an toiseach co-dhiù.

Cha robh mòran dhaoine òga san sgìre agam a' cluich iomain anns na làithean sin, ged a bha sgeulachdan gu leòr aig seanair mu bhith a' siubhal air feadh bailtean beaga na Gàidhealtachd a' cluich ann an lìog iomain. Chaill iomain an tarraing a bh' aige dhan ath ghinealach agus b' e ball-coise a fhuair làmh-an-uachdair.

Tidsear: Tha sgioba iomain làidir agaibh a-nis san sgìre seo. Co às an do dh'èirich sin?

Calum: Nuair a bha mise ochd, chaidh fèis a stèidheachadh san sgìr' againn agus anns na bliadhnaichean a chaidh seachad tha iomadh balach agus nighean air cothrom fhaighinn iomain ionnsachadh. Tha mo sheanair fhèin a' cuideachadh is a' cur seachad tòrr ùine còmhla rinn. Tha e air a dhòigh is e a' faicinn daoine òga a' cluich a-rithist.

Bitesize

Tidsear: Ciamar a chanadh tu a tha an geama air atharrachadh o làithean do sheanair?

Calum: Uill, tha cuideam mòr ga chuir air sàbhailteachd san latha an-diugh. Feumaidh clogaid a bhith air gach cluicheadair. Tha pìosan plastaig nar stocainnean cuideachd gus ar casan a dhìon o bhuillean. Nuair a bha mo sheanair a' cluich cha robh sgath dhen sin aca. Gu math tric bhiodh neach air a ghoirteachadh ann an tubaist, gearradh air a cheann no air aodann mar eisimpleir.

Chaidh mo sheanair fhèin a ghoirteachadh tric gu leòr ach cha do chuir sin stad air. Chanainn gu bheil an gèam fhathast a cheart cho math is a cheart cho luath ach is e deagh rud a th' ann a bhith a' cluich gu sàbhailte.

Tidsear: A bheil thu a' smaoinreachadh gu bheil àite sònraichte aig iomain ann an cultar na Gàidhlig a Chaluim?

Calum: O tha gu dearbha...